

Brambles

Dasar Cukai

Brambles Limited

Disemak Semula: 29 Jun, 2021

Versi 4.0

Pengenalan

Tatakelakuan Brambles menyediakan rangka kerja etika dan undang-undang bagi semua pekerja. Dasar Cukai kita bersesuaian dengan prinsip Tatakelakuan dan terpakai kepada perniagaan Brambles di seluruh dunia.

Brambles komited terhadap pematuhan undang-undang cukai dan hubungan yang terbuka serta positif dengan pihak berkuasa undang-undang. Undang-undang percukaian memang rumit, dan Brambles akan berusaha mematuhi undang-undang dengan membayar jumlah cukai yang betul di bidang kuasa yang betul, mendedahkan maklumat yang berkaitan dan menuntut pelepasan atau insentif yang disediakan. Kita menyokong pembayaran dan proses cukai syarikat yang lebih telus, dalam usaha membina keyakinan awam dan telah menerima pakai Kod Ketelusan Cukai Sukarela daripada Lembaga Cukai Australia.

Kita membayar cukai pendapatan, duti kastam, penggajian dan cukai-cukai yang lain. Selain itu, kita mengutip dan membayar cukai pekerja di samping cukai tidak langsung seperti cukai jualan dan VAT. Cukai yang kita bayar dan kutip ini menjadi bahagian signifikan dalam sumbangan ekonomi di negara yang kita menjalankan operasi.

Komitmen kita berteraskan prinsip berikut:

1. Pengurusan risiko cukai dan rangka kerja tadbir urus

Kita mematuhi rangka kerja pengurusan cukai Brambles sebagai sebahagian daripada proses kawalan dalaman kita. Kita mengenal pasti, menilai dan mengurus risiko cukai dan menjelaskannya dengan sewajarnya. Kita melaksanakan langkah pengurusan risiko termasuk kawalan berhubung risiko berikut:

- Risiko Operasi dan Transaksi – risiko pertimbangan, kepakaran dan penilaian cukai yang tidak mencukupi dalam transaksi perniagaan, dan pelaksanaan atau pengurusan risiko utama yang lemah, termasuk dokumentasi yang tidak mencukupi untuk menyokong tindakan yang diambil. Kawalan utama merangkumi kelulusan oleh bahagian fungsian utama termasuk Cukai Kumpulan menurut rangka kerja kelulusan
- Risiko pematuhan – risiko penyata cukai yang lewat atau tidak mencukupi - Kawalan utama merangkumi pangkalan data pusat yang memantau pemfailan penyata cukai dan penggunaan firma perakaunan luar untuk menyediakan atau menyemak penyata tersebut
- Risiko perakaunan cukai – risiko salah nyata kewangan material sebagaimana yang ditakrif dalam standard perakaunan yang berkaitan. Kawalan utama termasuk menyediakan arahan perakaunan cukai kepada penyedia penyata kewangan, dan menyemak serta meluluskan baki cukai material oleh Cukai Kumpulan
- Risiko luaran dan pengurusan – risiko yang berkaitan dengan undang-undang baharu dan pengurusan fungsi cukai. Kawalan utama termasuk memastikan dasar dan tatacara yang betul dilaksanakan, dikekalkan dan digunakan secara konsisten di seluruh dunia, dan memastikan pasukan cukai global mempunyai kemahiran dan pengalaman untuk melaksanakan pendekatan tersebut dengan sewajarnya.

Isu dan risiko cukai material yang dikenal pasti hendaklah dilaporkan kepada Jawatankuasa Audit Brambles (Brambles Audit Committee) dan Lembaga Brambles (Brambles Board).

2. Tahap risiko percukaian yang boleh diterima oleh Brambles

Pengurusan risiko yang berkesan, termasuk risiko cukai, adalah penting dalam pertumbuhan dan kejayaan Brambles yang berterusan. Kita menerapkan pengurusan risiko yang berkesan sebagai sebahagian daripada proses perniagaan kita. Brambles telah mereka bentuk dan melaksanakan sistem kawalan dalaman dan proses pengurusan risiko, termasuk yang berkaitan dengan risiko cukai, dan semua sistem dan proses ini disemak oleh Lembaga.

Impak tatacara tadbir urus dalaman terhadap tahap risiko yang boleh diterima melalui:

- Mengenal pasti, menganalisis dan menetapkan penilaian isu risiko, termasuk cukai, secara konsisten, menggunakan kaedah yang lazim;
- Menjadikan toleransi risiko kita bagi isu cukai sebagai pertimbangan utama dalam membuat keputusan; dan
- Memerlukan kelulusan pengurusan kanan atau Lembaga bagi transaksi, mengikut proses kelulusan yang berkaitan, dengan mengambil kira tahap risiko dan kematangan akibat yang mungkin terlibat.

Kita mematuhi undang-undang cukai yang berkaitan dan kita berusaha meminimumkan risiko ketidakpastian atau pertikaian. Bagi transaksi material, kita berusaha mencari kepastian, contohnya dengan mendapatkan nasihat luaran dan pendapat atau persetujuan undang-undang dengan pihak berkuasa cukai apabila undang-undang itu tidak pasti atau rumit.

3. Strategi dan perancangan cukai

Tatakelakuan Brambles menetapkan bahawa semua perniagaan hendaklah dijalankan menurut undang-undang dan peraturan negara tempat perniagaan tersebut dijalankan. Strategi dan perancangan cukai kita menyokong strategi perniagaan kita dan mencerminkan aktiviti perdagangan dan ekonomi. Pihak berkepentingan Brambles (Relevant Brambles Group) yang berkaitan turut terlibat, mengikut proses kelulusan dengan mengambil kira tahap risiko dan kematangan akibat yang terbabit, untuk memastikan transaksi boleh diterima, termasuk Lembaga Brambles (Brambles Board), CEO, CFO, dan fungsi komersial, undang-undang, perbendaharaan dan perakaunan.

Kita menjalankan transaksi antara syarikat kumpulan secara tulus dan menurut Garis Panduan Harga Pindahan OECD.

Brambles tidak mengelakkan cukai dengan menggunakan perkiraan tiruan, atau bidang kuasa perlindungan cukai, yang tidak mempunyai tujuan perniagaan.

4. Pendekatan terhadap pihak berkuasa cukai

Kita berusaha menjalin dan mengekalkan hubungan yang bersifat membina dengan kerajaan dan pihak berkuasa kewangan berdasarkan prinsip saling percaya dan hormat. Brambles mematuhi undang-undang cukai di setiap negara, namun sekiranya terdapat sebarang ketidaktepatan, perkara ini akan didedahkan secara sukarela kepada pihak berkuasa percukaian.

Sejauh mungkin, kita bekerjasama dengan pihak berkuasa kewangan untuk menyelesaikan pertikaian dan mencapai persetujuan serta kepastian awal.

Jika terdapat pertikaian dan kita tidak mencapai persetujuan dengan pihak berkuasa cukai, dan percaya bahawa prinsip syarikat adalah betul, kita bersedia untuk melaksanakan litigasi dalam hal tersebut.

Kita bekerjasama dengan kerajaan dan pelbagai badan kerajaan yang lain, dalam pembangunan dan pentadbiran undang-undang, sama ada secara langsung atau melalui perdagangan dan perkaitan lain yang sewajarnya.

Pendekatan kita terbukti berkesan melalui penarafan risiko rendah daripada Pejabat Percukaian Australia (Australian Taxation Office) dan Jabatan Hasil dan Kastam British (Her Majesty's Revenue and Customs).

5. Peranan & Tanggungjawab

Jadual berikut memberikan gambaran keseluruhan tentang peranan dan tanggungjawab untuk pengurusan risiko cukai dalam kumpulan Brambles:

Peranan	Tanggungjawab
Lembaga Brambles	Lembaga Brambles Ltd. bertanggungjawab untuk menetapkan hasrat risiko Kumpulan dan rangka kerja pengurusan risikonya serta sistem kawalan dalaman termasuk kelulusan Dasar Cukai.
Jawatankuasa Audit	Jawatankuasa Audit membantu Lembaga dalam memenuhi tanggungjawab tadbir urus korporat dan pengawasannya termasuk keberkesanan pengurusan risiko material Kumpulan, termasuk risiko cukai.
Ketua Pegawai Kewangan (CFO)	CFO bertanggungjawab untuk menguruskan risiko kewangan Brambles, termasuk risiko cukai dan pelaporan risiko ini kepada Jawatankuasa Audit dan Lembaga Brambles.
Naib Presiden Kumpulan, Percukaian (VP Kumpulan Cukai)	VP Kumpulan Cukai bertanggungjawab untuk merangka Dasar Cukai dan rangka kerja pengurusan risiko cukai serta memastikan bahawa proses dan kawalan yang sesuai dikekalkan dan menyediakan sokongan pakar.
Naib Presiden Serantau, Percukaian (VP Serantau Cukai)	VP Serantau Cukai dan pasukan mereka bertanggungjawab untuk memastikan pematuhan dengan Dasar Cukai di peringkat serantau, mengekalkan rangka kerja pengurusan risiko cukai dan menyediakan sokongan pakar kepada unit perniagaan serantau.
Pengawal Kewangan Serantau	Pengawal Kewangan Serantau bertanggungjawab untuk mematuhi undang-undang tempatan dan Dasar Cukai di peringkat entiti daripada pemprosesan transaksi sehingga pelaporan dan pemfailan notis dan penyata cukai dengan sokongan daripada penasihat luaran dan VP Serantau Cukai, sebagaimana perlu.

6. Keperluan Perundangan UK

Dokumen ini diterbitkan selaras dengan Perenggan 16 (2) Jadual 19 Akta Kewangan 2016 bagi tahun kewangan berakhir pada 30 Jun 2021.

7. Kelulusan Lembaga

Dasar ini telah diluluskan oleh Lembaga Pengarah pada 29 Jun 2021.